

سنه لکی در سعادت ایچون مجیده
یکرمی غروش حسابله التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

آونه اولمق ایستینلر دائره عدلیه ده
اداره مخصوصه سنه مراحت
ایتملدر

اعلامانک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

محاکمات مقدماتی

در سعادت استیناف مدعی عمر بیلکندنه

ارباب فساددن اولدینی ادعاسیله مظنون
علیه اولوب حال فرارده بولنان اوزون بوی ،
الا کوز ، بغدادی بکزی ، قرال بیقلی یکرمی
سکزی یاشلرنده اورته کویده پشمش اوغلی
زقاندنه یکرمی الی نومرولی خانه ده ساکن
ماردیروس ولدقره کین جاجیانک اصول محاکمات
جزایه قانوننک مواد مخصوصه سی احکامنه
توفیقاً جنایت محکمه سنده محاکمه سی اجرا قلمق
اوزره قانون جزانک الی سکرنجی ماده سی
موجبجه جنایتله اتهامه قرار ویرلدیکندن
متهم مرقومک هر زرده کوریلور ایسه
طوتیلوب محکمه مذ کوره توقیفخانه سنه تسلیمی
لازم کله جکی بالجله ضابطه عدلیه مأمورلرینک
معلومی اولمق اوزره اشبواخذو کرفت مذ کوره سی
در سعادت هیئت اتهامیه سندن بالتنظیم اعطا
قلندی .

محکمه تمیز استدعا دائره سندن تنظیم واعطا

قلنان اعلامدر :

آطنه ولایتی هیئت اتهامیه سندن تنظیم واعطا
اولسان ۲۴ ایلول سنه ۳۲۱ تاریخلی مضبطه نک
مفسوخیتنی مستدعی صراف آغوب طرفندن ویریلان
۱۱ تشرین اول سنه ۳۲۱ تاریخلی استدعایه واوراق
متفرعه سی باش مدعی عمومیک مأموریت بهیه سنک
۱۶ مارت سنه ۳۲۲ تاریخلی تبلیغنامه سیله محکمه تمیز
استدعا دائره سنه تودیع اولمغله لدی التدقیق مذ کور

استدعایه نک مرقومک محکمه جه استجواب ایدلیکی
۱۰ تشرین اول سنه ۳۲۱ تاریخله نظراً مدت قانونیه سی
ظرفنده ویرلدیکی اکلاشلدیغندن بالقبول اوراق
مرقومه دائره جه قرائت و مطالعه اولندی .

مذ کور مضبطه نک مالی ترزی کیغورقک جرح
وقتی و همشیره سی سرپوهی و تاقوهی ایله نعلبند
کر قورک بچاق وروولورله جرحی ماده لرندن طولانی
مظنون علیه مرقوم صراف آغوب حقنده اجرا
ایدیلان تحقیقات و تدقیقات نتیجه سنده مرقوم آغوبک
افعال مذ کوره به اجتناب اخبارات و دلائل و امارات
ایله اکلاشامش و حرکت واقعه سی قانون جزانک یوز
یتشنجی ماده سی حکمی مستلزم افعال جنایتیه دن بولمش
اولدیغندن اولوجهله جنایتله اتهامه قرار ویرلدیکندن
و مذ کور استدعایه ده مندرج اعتراضاتک خلاصه سی
دخی کندن سنک اوده دنبرو مرقوم کیغورق قتل ایتمک
فکرنده بولندیغنه دائر میدانده شهود و اماره اولمدیغنی
جهتله تصور دنیاهیه جکی کبی کندی طرفندن قتل
ایدلیکی جهتیه کورلیوب انحق محل جرمندن کویا
روولور انده اوله رق فرار ایلمکده اولدینی برصرده
دردست ایدلیکی شهادت و اخبار ایدلمکده بولندیغندن
بوده فعل قتل اجرا ایدلیکنسه دائر مدار حکم
اوله میه جغندن بحثله مذ کور مضبطه نک فسخی طلبندن
و تبلیغنامه نک مفادی دخی استدعایه ده سرد اولنان
اعتراضات عند المحاکمه درمیان اولنه جق مدافعاتدن
اولوب اسباب اربعه دن هیچ برینه مستند اولمدیغندن
ذکر اولنان مفسوخیت استدعایه سنک ردی لازم
کله جکی بیاندن عبارتدر .

ایجابی لدی المذاکره مذ کور استدعایه ده سرد
وبیان اولنان اعتراضات ذکر اولنان تبلیغنامه ده محرر
اولدینی اوزره عند المحاکمه درمیان ایدیه جک مدافعات
جمعه سندن اولوب اصول محاکمات جزایه قانوننک
ایکیوز الی دردنجی ماده سنده محرر اولان اسباب
اربعه فسخیه نک هیچ برینه اقتران ایتمدیکندن
بر موجب تبلیغنامه مفسوخیت استدعاسنک ردیه ۲۸
مارت سنه ۳۲۲ تاریخله متفقاً قرار ویرلدی .

محکمه تمیز حقوق دائره سندن تنظیم واعطا
اولنان اعلامدر :

ساقز جزیره سنده مقیمه علکساندرو فیتیلی
زوجه سی قاترینا بطرونا قالدین ایله جزیره مذ کوره ده
مقیم تبعه یونانیه دن قیوجی علکساندرو پیرلی بیننده
متکون دعویاه دائر ساقز بدایت محکمه سندن ۴
تشرین ثانی سنه ۳۱۹ تاریخلی و یوز اوتوزاوج عددی
ایله ویریلان اعلام مزبوره قاترینا بطرونا قالدین طرفندن
تمیز ایدلمکله اعلام مذ کور طرفینک اعتراض و جواب
لایحه لرله برابر بالمطالعہ تدقیقات تمیزیه اجرا سنه
ابتدار اولندی .

اعلام مذ کورک خلاصه مندرجاتی مرقوم
علکساندرونک ساقز جزیره سنک آیا مارینه غره موز
محل سنده متصرف اولدینی خانه سی اتصانده واقع
ملک برقطعه عرصه سی صاحبی استفانی اون عدد
فرانسز لیراسی ثمن مقابلنده مزبوره قاترینا قالدینه
بیع و فروخت ایتمدیکندن و کندوسی شفعی اولوب
شرائط شفعه دن اولان طلب مواثبه و تقریر و اشهادی
اجرا ایدلیکنندن بحثله مذ کور عرصه نک مزبوره
یدندن بالاسترداد طرفنه تسلیمی حقنده اقامه ایدلیکی
دعوانک سبق ایدن محاکمه و تدقیقاتی نتیجه سنده
مدعی علکساندرونک مدعابه ملک عرصه یه شفیع
اولوب طلبات ثلثیه اجرا ایتدیکی و حق شفعه سی
بروجهله اسقاط ایتدیکی اولبابده استماع اولنان
شاهدلرک شهادتی واستظهاراً اجرا قلنان تحلیفه
ثابت اولمغله ثمن مبیع اولان اون عدد فرانسز لیراسی
مدعینک مزبوره قاترینا قالدینه اعطا ایله عرصه
مذ کوره یی تملک ایتسنه دائر غیاباً لاحق اولان
اعلامک عند الاعتراض تصدیقه حکمدن و مستدعی
تمیزک اشبو حکم علینده لایحه سنده محرر اعتراضاتک
باشلوجه سی کندوسنک منازع فیه عرصه یی بیک
بشیوز غروشه مبیعه ایدلیکی قیود دفتر خاقاتی ایله
مثبت اولدینی و عند الاعتراض بوجهت وکیلی طرفندن
دخی درمیان اولدینی حالدۀ ثمن مسلمانک نهدن عبارت

اولدینک محکمه‌جه تدقیق ایدلماسی و شرائط شفعیه دائر استماع اولسان شهود مشفوعی کیمک مبايعه ایلدیکنی وقایع غروشه صاندیغنی بیان ایده مامشدر ایکن محکمه‌جه شهادت‌لرینک قبول ایدلمسی مغایر قانون اولدیغندن بحاله اعلام مذکورک تقضی استدعاسندن ولائحه جوابیه مؤداسی دخی اعتراضات مسرووده‌نک واهی و بی اساس ایدوکی بیانیله ردی و موافق اصول و قانون اولان اعلامک تصدیق طلبندن عبارتدر .

ایحای مذاکره اولندقدده اعلام مذکور مانندن مفهوم اولدیغی اوزره مدعینک مشفوع به ازانک مالک اولدیغنک ثبوتندن و طلب مواثبه ايله طلب تقریرک وقت وزمانيله اجرا اولنوب اولدیغنک تحقیقندن و مشفوعک ثمن مسماسی نندن عبارت اولدیغنک تدقیقندن صکره تبین ایده‌جک حاله کوره حکم اولغی لازم کلور ایکن بوبولده اجرای معامله ایدلماسی یولسز و مغایر قانون اولدیغندن اصول محاکمه حقوقیه قانوننک ایکیوز اونوز ایکنجی ماده‌سی موجبنجه اعلام مذکورک تقضیه قانون مذکورک ایکیوز قرق دردیجی ماده‌سنگ فقره اولاسی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوریه اعاده‌سنه واول و آخر مستدعی قاترینا بطرونا قادین طرفندن ایفا قلاتن اوچیوز طقسان بش یحقی غروش مصارف تمیزیه‌نک ایلورده حقسز جیفه‌جق طرفه عائد اولسنه ۶ تموز سنه ۳۳۱ تاریخنده متفقاً قرار ویرلدی .

۵۸۴ نومرولی نسخه‌ده مندرج درسعادت جنایت محکمه‌سی اعلامنک مابعدی :

مدعی شخصی شوکت افندیکن استیضاح مسئله ایدلکده قره‌غولخانه‌ده اوطورمقدده ایکن ورود ایدن خبر اوزرینه خانه‌سنه کیتدیکننده مخدومی محمد بکک مقتولاً یا بمقدده اولدیغنی کوردیکنی و قاتلک فائق اولدیغنی ایشدیکنی و اوغلنک فائقک همشیره‌سیله مخیاره ایتدیکنندن معلوماتی اولدیغنی افاده ایلدی .

مدعی عمومیک طرفندن بالاعطا قرائت ایتدیریلان شهود پوصله‌سنده اسامیسی محرر اولوب دعوت واقعه‌یه اتباعاً ورود ایتدیکلری خبر ویریلان شاهدلر یکان یکان حضور محکمه‌یه چیقاریلهرق لدی السؤال طرفینه قرابت و مناسبت و خصوصت‌لری اولدیغنی اکلاشلقدن و اصولی وجهله تحلیف‌لری اجرا قلندقدن صکره منفرداً و مواجعهٔ استماع اولندقدلرندده بونلردن صاریک‌زده چیقرغنی کال الدین محله‌سنده قانلی چشمه جاده‌سنده برخانه‌ده اقامت ایتدیکنی

و دفترخاقانی نظارت جلیله‌سی طشره‌سندات قلمی کتبه‌سندن ایدوکنی سولیان یکریمی ریاشنده آستانه‌لی علی رضا افندی ابن علی کانون اولک اون یدنجی بازار کیجه‌سی ساعت اوج راده‌لرندده مقتول محمد بکک و سائرلریله فاتحده مالطه چارشوسنده پروکار محمد صبری افندیکن دکاننده اوطورمقدده لری ایکن بالطوسنی آلتق اوزره دکاندن چیقمش اولان مقتول مومی الهنک فریادین ایشتملریله زقاعه جیق‌دقلرندده محمد بکک مجروح اولهرق یرده یاندیغنی کوردیکنی و جارحنی صورددقلرندده بی نادره‌نک قرنداشی اوردی دیدیکنی مضبوط افاده‌سی وجهله اخبار ولدی السؤال مقتول محمد بکک نادره‌نی آله‌جغه دائر برسوز ایشتمدیکنی و مقتول محمد بکک اوزرندده یحیاق و آلت ضاربه اولمادیغنی و آلت قتل اولان یحیاقک مقتولک بولندین بولمادیغنی ایلورده بولش اولدیغنی تذکار ایلدی .

متهم نادره‌نک برادری کندوسی اولدیغنی درمیان ایلدی .

امانت دائره‌سندن کتوردلش اولان یحیاق ابتدا متهمه و صکره شاهده اراشه و سؤال اولندقدده متهم مذکور یحیاق کندوسنک اولدیغنی بیان و شاهد علی رضا افندی دخی بولان یحیاق بویحیاق ایدوکنی اتیان ایتدیلر .

فاتح جوارنده خواجه خیرالدین محله‌سنده قدق اوغلی زقاعنده درت نومرولی خانه‌ده ساکن اولدیغنی و عسکرکی توفیق‌خانه‌سی قلمنده مستخدم سرچاوش ایدوکنی درمیان ایدن یکریمی ایکنی یاشنده آستانه‌لی احمد افندی ابن خلیل وقعه کیجه‌سی فاتحده مالطه چارشوسی جاده‌سنده ضیانک قهوه‌خانه‌سنده اوطورمقدده ایکن امان امان دیو برسس ایشتمکله طیشاری جیق‌دقدده مقتول محمد افندیکن الدری کوکسندده اولدیغنی حاله اوزرینه طوغری کلکده و متهم فائقک دخی فاتحده و محلیجی اسماعیلکده فائق تعقیب ایتکده اولدقلری کورمکله کندوسیده فائقک آرقه‌سندن قوشمغه باشلادیغنی و مرقوم فائق اسککی علی باشا قره‌غولخانه‌سنه کوریمی اوزرینه کندولریده قره‌غولخانه‌یه کیدرک پولیس قومیسرینه فائقک محمد بکی جرح ایتدیکنی سوبلدکلری و بولده برقرمزی کفیه بوله‌رق قره‌غولخانه‌یه تسلیم ایتدیکنی و فائقک انده بریاره کوردیکنی مضبوط افاده‌سی دائره‌سنده یاد ولدی الاستیضاح مقتول محمد بکک یحیاق طاشیدیغنی بیلمدیکنی و قراکلغی اولدیغنی جهته متهمک انشای فرارنده یحیاق آتدیغنی کورمدیکنی و مقتول محمد بکک نادره‌نک حقدده برسوز سوبلدیکندن مزبوریه‌نی زوچنک تطلیق ایلدیکندن دخی معلوماتی اولدیغنی و شهادتی حاضر بولنان متهمه عائد ایدوکی ایراد ایلدی .

متهم بوشاهد مقتولک رفیق‌لرندن اولدیغندن شهادتی قبول ایتیه‌جکنی سرد ایتدی .

فاتحده امیربخاری جاده‌سنده یکریمی الی نومرولی خانه‌ده اقامت ایتدیکنی و باب ضبطیه محاسبه قلمی ولایات ماصه‌سی مقیدی ایدوکنی سولیان اونوز ایکنی یاشنده آستانه‌لی محمد جودت افندی ابن ابراهیم وقعه کیجه‌سی ساعت ایکنی یحیاق راده‌لرندده فاتحده ضیانک قهوه‌خانه‌سنده ایکن بر فریاد ایشیدلمکله باقدیغنده مقتول محمد بکک الی قلی اوزرندده والدری و کوکی قان ایچنده اولدیغنی حالد کلکده اولدیغنی کورمسيله جارحنی صورددقدده نادره‌نک قرنداشی دیدکدن صکره اولدیغنی محله دوشدیکنی و بشقه برسوز سوبلکهمقددر اوله‌دیغنی مضبوط افاده‌سی وجهله درمیان ولدی السؤال مقتولک یاشنده سلاح و سائر آلات کورمدیکنی و مقتولک نادره‌نک ايله بر علاقه‌سی اولوب اولدیغندن معلوماتی اتیان ایلدی .

متهم سبب کوکس‌تیرمیرک بوشاهدک شهادتی دخی قبول ایتیه‌جکنی انبا ایتدی .

دیگر شاهد فاتحده خواجه خیرالدین محله‌سنده مالطه جاده‌سنده بر نومرولی دکانده محلیجیلک ایتدیکنی بیان ایدن یکریمی بش یاشنده آستانه‌لی اسماعیل بن علی دخی وقعه کیجه‌سی دکاننده محلی یا بمقدده ایکن ایشدیکنی فریاد اوزرینه چیقوب باقدیغنده مقتول محمد بکک ايله متهم فائقک یکدیگرینه صارلش اولدقلری کوردرک نه یا بیورسکرز دیدیکنده بربرندن آریله‌رق مقتولک یره دوشدیکنی و متهم فائقک دخی فرار ایتکده باشلادیغنی و کندوسیده متهمی بالتعقیب قره‌غولخانه‌یه تسلیم ایتدیکنی افادهٔ مضبوطه‌سی وجهله اخبار ولدی الاستیضاح فریاد ایدن مقتول ایدوکنی و انشای فرارنده متهم برشی آتمش ایلده‌ده قراکلغی اولغی مناسبیه نه اولدیغنی کورمدیکنی و آلت قتل اولان یحیاقک متهمک برشی آتدیغنی محله بولندیغنی و متهمک مقتولی اورر ایکن کورمدیکنی و نادره‌نک مسئله‌سندن معلوماتی اولدیغنی و شهادتی حاضر بولنان متهمه عائد ایدوکنی تذکار ایلدی .

متهم سبب بیان ایتیه‌رک بوشاهدک شهادتی دخی قبول ایده‌میه‌جکنی سرد ایتدی .

جانب ریاستدن اظهار حقده مدار اولغی اوزره جلبلری تنسیب ایلدیلوب دعوت واقعه‌یه مبنی کلدکلری خبر ویریلان شاهدلر برر برر حضور محکمه چیقاریلهرق لدی السؤال طرفینه قرابت و مناسبت و خصوصت‌لری اولمادیغنی اکلاشلقدن و کندولریه‌خطاظر ات لازمه ایفا قلندقدن صکره منفرداً استماع اولندقدلرندده بونلردن فاتح جوارنده یکی چشمه‌ده مقیم قوندره‌جی

یکریمی الی یاشنده فله‌لی اولدیغنی سولیان تحسین افندی ابن سالم فائقک محمد بکی جرح و قتل ایتدیکنی ایشدیکنی و نادره مسئله‌سندن و بشقه برشیدن معلوماتی اولدیغنی بیان ایتدی .

فاتحده اقامتله قسمت عسکریه محکمه‌سی محضرلرندن الی یاشنده اولوب کاخلی اولدیغنی اتیان ایدن حافظ صالح افندی ابن ابراهیم وقعه کیجه‌سی قهوه‌خانه‌ده اوطورمقدده ایکن امان دیو برسس ایشتمکله باقدیغنده محلیجی اسماعیلک دکانی اوکسندده ایکنی کسینکک بوغوشمقدده اولدقلری کورمکله نه یا بیورسکرز دیدیکنده بریسنک فرار ایتدیکنی و مقتول محمد بکک دخی قهوه‌خانه اوکسندده دوشهرک وفات ایلدیکنی و فرار ایدن شخیصله بوغوشمقدده اولان محمد بکک ایدوکنی وجودت افندیکن محمد بکدن جارحنی صورددقدده بی نادره‌نک قرنداشی اوردی دیش اولدیغنی و نادره مسئله‌سندن معلوماتی اولدیغنی درمیان ایتدی .

فاتحده مالطه محله‌سنده مقیم اسکچی التمش یاشنده آستانه‌لی ایدوکنی سولیان اسماعیل بن حاجی صالح وقعه کیجه‌سی ساعت ایکنی یحیاق اوج راده‌لرندده قهوه‌خانه‌ده اوطور ایکن یاندم دیو برسس ایشیدلمکله و صکره بریسنک سنی کیم اوردی دیشسنه قارشو نادره‌نک قرنداشی جوانی ویرلیدیکنی و زقاعه جیق‌دقدده اوریلان شخیصک محمد بکک اولدیغنی کوردیکنی بیان ایتدی .

فاتح جوارنده مالطه چارشوسنده بر دکانده پروکارلق ایتدیکنی افاده ایدن قرق یاشنده اسک زغرهل محمد صبری افندی ابن حسن وقعه‌دن مقدم دکاننده بولندقدده اولان محمد بکک بالطوسنی آلتق اوزره کیتدکدن بش دقیقه صکره برسس ایشیدلمکله باقدیغنده محمد بکک الی کوکسندده اولدیغنی حالد کلکده اولدیغنی کوردیکنی وجودت افندی مومی الیه‌دن جارحنی صورددقدده بی نادره‌نک قرنداشی اوردی دیدیکنی سوبلیدی .

ینه مالطه‌ده مقیم اسکچی الی بش یاشنده آستانه‌لی اسماعیل بن حسن قهوه‌خانه‌ده اوطورمقدده ایکن محمد بکک فریادی اوزرینه چیقوب باقدیغنده محمد بکک الی کوکسندده اولدیغنی حالد کلکده اولدیغنی کوردیکنی وجودت افندیکن مومی الیه‌دن جارحنی سؤال ایتدیکنده بی نادره‌نک قرنداشی اوردی دیوب یره دوشدیکنی و مقتوله یحیاق و سائر شی کورمدیکنی انبا ایلدی .

قره‌کرکده اقامتله اوکچه‌جیلک ایتدیکنی سولیان اونوز یاشنده روسجقلی محمد بن رفعت دخی وقعه کیجه‌سی متهم فائقک قره‌کرکده قهوه‌خانه‌ده تراش

اولهرق و خانه‌مه کیدیورم دیهرک چیقوب کیتدیکنی و بالاخره مرقومک آدم اوردیغنی ایشدیکنی و مرقوم فائقک اوزرندده سلاح کورمدیکنی بیان ایتدی .

متهم فائق کندوسی وقعه کیجه‌سی اوسته‌سی روسجقلی محمدک یانندن خانه‌سنه کیدر ایکن مقتول و سائرلرینک اوکچه‌جیلقدقلری و اظهارحق شاهدلرینک افاده‌لرینه قارشو دیه‌جکی اولدیغنی سرد ایتدی .

(بقیه‌سی کله‌جک نسخه‌یه)

صیحه ايله فاطمه خانم‌لرک ابراهیمی ضرب ایتدکلری ثابت اوله‌مدیغندن برائت‌لرینه اسماعیلک فاضلی‌بی ضرب و جرح ایلدیکنی ثابت اوله‌مدیغندن برائته ویرژی‌نی ايله اسماعیلک یکدیگرینی ضرب ایلدکلری ثابت اوله‌مدیغندن برائت‌لرینه

یونانی پترونک خلاف تنیه حرکتی تبین ایدمه‌دیکندن برائته

قهرمان ورشیدی و مصطفانک یکدیگرینی ضرب ایلدکلری ثابت اوله‌مدیغندن برائت‌لرینه

سانیک قادیی ضرب ایلدیکنی شهادتله تبین ایدن اجزاجی نظام الدین افندیکن ایکنی آلتون اخذیله مضروبیه اعطاسنه

آشچی یانینک اشیا‌سی سرقت ایتدیکنی تبین ایدن خاصکوبلی اساقک سابقلی بولنسی حبسیله اون ماه مدتله حبسنه و ختام مدت جزایشنده کفالتله ربطته خلاف تنیه اولهرق اوزرندده سلاح طاشیدیغنی تبین ایدن یورکیدن بش بشلک جزای نقدی اخذیله ازمارویی ضرب ایدن قاتینه‌دن ایکنی آلتون اخذیله مضروبیه اعطاسنه

اوشاق عثمانی ضرب ایلدیکنی شهادتله تبین ایدن سالیس علینک برهفته حبسیله برابر بر آلتون آلتوب مضروبیه اعطاسنه

طودوری‌بی ضرب ایتدیکنی اقراریه ثبوت بولان یوهان نام شخیصدن ایکنی آلتون اخذیله مضروبیه اعطاسنه

پترویه سوء معامله‌ده بولندقلری تبین ایدن ژاندارمه شریف و محمد اغارک اونوز کون حبس‌لرینه برسیفونی‌یه ناموسه طوقور سوز سوبلدیکنی تبین ایدن آینه‌لی چشمه‌ده ساکن یورکی خرسیدیدن بر آلتون جزای نقدی اخذیله

رفائک اموال منقوله‌سنه ایراث خسارله برابر ضرب ایلدیکنی شهادتله تبین ایدن پیری پاشاده ساکن باروخک اون بش کون مدتله حبسنه یکدیگرینک اموال منقوله‌سنه ایراث خسار ایدن

قره‌باشده ساکن حاجی خلف ايله محمد علیدن اونوز بشلک جزای نقدی اخذیله

اجرای وظیفه‌ده بولندیقنی حالدده بولندیقنی حالدده احمد ايله مضاربده بولان پولیس قومیسری نشئت افندیکن بر ماه واحدک اون بش کون مدتله حبس‌لرینه

حبسینک انچه‌سی سرقت ایدن بحرینک اوج ماه مدت حبسیله ختام مدت جزایشنده کفالتله ربطته

واسیل ضرب ایدن کوچونک برهفته حبسنه طناشی ضرب و مرقومه اطاله لسان ایدن واسیلک اون کون حبسنه

یانینک بالطوسنی سرقت ایدن فرهادک درت ماه حبسنه

انستاشیه‌بی ضرب ایدن مارغارتوک برهفته حبسنه

یکدیگرینی ضرب و جرح ایدن قدری ايله یانیندن قدرینک یکریمی کون و یانینک اون بش کون حبس‌لرینه خرسونی جرح ایدن قوجودن بر آلتون آلتوب خرسویه ویرلسنه

شکری ايله عزیزک یکدیگرینی ضرب و جرح ایتدکلری اکلاشللمسنه مبنی برهفته حبس‌لرینه لوتاریه‌جیلق ایدن پرکیدن بش بشلک جزای نقدی اخذیله

حبسینی ضرب ایدن مصطفانک برهفته حبسنه اغناد ايله عکس‌سانک اجرا مأمورلردن سامی وحقی افندیله ایضای وظیفه اثناسنده حقتارت واطاله لسان ایتدکلرندن اون بشر کون حبس‌لرینه آرامی جرح ایدن پترون ایکنی آلتون آلتوب آرامه اعطاسنه

علی‌بی جرح ایدن عابدین ايله حیدرک اون بشر کون حبس‌لرینه عایشه خانمک خانه‌سندن اشیا سرقت ایدن مصطفانک اوج ماه حبسنه

سرسرلیکی تبین ایدن ناتونک بر ماه حبسیله برسنه مدتله کفالت آلتیه آلتسنه بک اوغلی بدایت محکمه‌سی جزا دائره‌سنجه قرار ویرلشد .

مخالفات ایتدیکنی

شتاق قضایی بدایت محکمه‌سی مدعی عمومی معاوی وکیلی پولیس قومیسری علی رضا افندیکن مأموریتنه تودیع اولنان اعلامات جزایشیه‌نی مرور زمانه اوغراتق صورتله امور مأموره‌سی سوء استعمال ایلدیکنی و ان ولایتی استیفاف محکمه‌سی مدعی عمومی کلدکن وارد اولان اوراق تحقیقیه مؤداسندن اکلاشلش

اولسنه مبنی مدخدار اولان دیکرلری حقارنده ده تعقیبات قانونیه اجرا اولمق اوزره مومی الیهک محاکمه آلتیه آلمسنه عدلیه نظارت جایله سندن مأذونیت اعطا ومذکور مدعی عمومیلکه تبلیغات لازمه اجرا ایدلمشدر .

اعلانات

در سعادت منابت محکمه سنده :

اوچیز یکریمی اوچ سنه سی مارتنک یدنجی کونی قاضی قریه سنده یکی یولده کاخلی شریف اغانک قهوه خانه سنده دومینا او یونندن طولانی حد تلنرک قبری قتل قصدیه جرح ایتدیکی ادعاسیله متهم اولان ومقدما قاضی قریه سنده عابدین بکک حمام اوطه لرنده اقامت ایتکده ایکن فرار ایدن اوزونجه بویلی ، قوری وکوسه چهرملی ، صاری تربیقلی یکریمی ایکی یاشلرنده رنجبر کیغیلی علی دردست اولنه مامش اولدیغندن بوتاریخندن اعتباراً جانب ریاستدن کندوسنه مجدداً اون کون مهل اعطا قلمشدر مهل معین ظرفنده مرقوم کلدیکی حالد قانونه اطاعت ایتامش نظریله باقیله رق حقوق مدینه دن اسقاط قلمه جنی وعلیه نه دعوایه قیام اولنه جنی ومحاكمة غیایه سی ائنده اموالک حجز آلتیه آلنه جنی وبرکونه ادعایه حق اوله میه جنی وباجمله ضابطه عدلیه مأمورلرینک کندوسنی طومتغه مجبور بولندقلری کی معاملات حجزیه حقنده دخی مدعی عمومیلکه تبلیغات مقتضیه اجرا ایدلدیکی جهته اصول محاکمت جزائییه قانوننک اوچیز یتیش برنجی واوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

اوچیز یکریمی اوچ سنه سی مارتنک یکریمی التنجی بازار ایرتسی کونی سلیمانیه ده منلاخسرو محله سنده ساکن اولوب آره لرنده ظهور ایدن منازعه اوزرینه احمد توفیق افندی یی جرح وقتل ایتدیکی ادعاسیله متهم بولنان ومقدما محله مذکورده مقيم ولازستان سنجانک آتیه قضاسی ملحقانندن آتیه قریه سی اها لیسندن اولوب حال فرارده اولان قیصه بویلی ، ایریجه برونی ، سیاه کوسه صقاللی ، قمرالبیق وعادتا آیلنی ، اسمرجه بکرلی یکریمی درت یاشلرنده سلیمان رشدی بن علی دردست ایدیه مامش اولدیغندن بوتاریخندن اعتباراً جانب ریاستدن مجدداً اون کون مهل اعطا قلمشدر مهل معین ظرفنده محکمه یه کلدیکی حالد قانونه اطاعت ایتامش نظریله باقیله رق حقوق

مدینه دن اسقاط قلمه جنی وعلیه نه دعوایه قیام اولنه جنی ومحاكمة غیایه سی ائنده اموالک حجز آلتیه آلنه جنی وبرکونه ادعایه حق اوله میه جنی وباجمله ضابطه عدلیه مأمورلرینک کندوسنی طومتغه مجبور بولندقلری کی معاملات حجزیه حقنده دخی مدعی عمومیلکه تبلیغات مقتضیه اجرا ایدلدیکی جهته اصول محاکمت جزائییه قانوننک اوچیز یتیش برنجی واوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

محی الدین ایله انسطاشیه قادینه محمولات سند خاقانه وعرصه آلنه جنی یولنده اداره مقال واویولده حیلہ اعمال ایله ساخته کاراق ایتدیکی ادعاسیله متهم اولان ومقدما اوقاف نظارت جلیله سی جهات قامی کتبه سندن اولوب حال فرارده بولنان مصطفی توفیق افندی دردست ایدیه مامش اولدیغندن بوتاریخندن اعتباراً جانب ریاستدن کندوسنه مجدداً اون کون مهل اعطا قلمشدر مهل معین ظرفنده محکمه یه کلدیکی حالد قانونه اطاعت ایتامش نظریله باقیله رق حقوق مدینه دن اسقاط قلمه جنی وعلیه نه دعوایه قیام اولنه جنی ومحاكمة غیایه سی ائنده اموالک حجز آلتیه آلنه جنی وبرکونه ادعایه حق اوله میه جنی وباجمله ضابطه عدلیه مأمورلرینک کندوسنی طومتغه مجبور بولندقلری کی معاملات حجزیه حقنده دخی مدعی عمومیلکه تبلیغات مقتضیه اجرا ایدلدیکی جهته اصول محاکمت جزائییه قانوننک اوچیز یتیش برنجی واوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

حیلہ لی مفلس اولدقلری ادعاسیله مضمون علیهما اولوب غیاباً جنایتیه اتهام ایدلمش اولان در سعادت محمد پاشا جوارنده قاطرجی اوغلی خاننده التمش بش والتمش التی والتمش یدی نومرو لی اوطه لرده قومیسو نیجلیق ایله اجرای تجارت ایتکده لر ایکن فرار ایدن موریس و ژوزف فریدمان برادرلر دردست ایدیه مامش اولدقلرندن قانونه اطاعتیه محکمه یه کلری ایچون جانب ریاستدن مرقومانه بوتاریخندن اعتباراً مجدداً اون کون مهل اعطا قلمشدر مهل معین ظرفنده محکمه یه کلدقلری حالد قانونه اطاعت ایتامش نظریله باقیله رق حقوق مدینه دن اسقاط قلمه جقلری وعلیه لرنده دعوایه قیام اولنه جنی ومحاكمة غیایه لر ائنده ماللرینک حجز آلتیه آلنه جنی وبوصرده برکونه ادعایه حققلری اوله میه جنی کی بولندقلری محملری بیلنلرک خبر ویرمکه وباجمله ضابطه عدلیه مأمورلرینک کندولرینی طومتغه مجبور بولندقلری امری اعطا

ومعاملات حجزیه حقنده دخی مدعی عمومیلکه تبلیغات مقتضیه اجرا ایدلدیکی جهته اصول محاکمت جزائییه قانوننک اوچیز یتیش برنجی واوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

در سعادت اموالک نظامه امری دایره سنده :

قوزمه قالفه ورثه سنک قوچو قالفه ورثه سندن آندون وانسطاش والی وواسیلکی ذمتلرنده آلنه جقلری اولان مبالغ معلومه نک تأمین استیفاسی ایچون ورثه مرقومه نک عهدۀ تصرفلرنده اولان بیوک اطه ده شالچی اوغلی زقاغنده وتخمیناً یوز آرشون عرصه اوزرینه مبنی اخشاب ایکی قاتدن عبارت اوچ اوطه وبرصفه وبرمطبخ وخانه یه متصل ایکی اوطه بر براقه وآرقه جهتده تخمیناً ایکیک ایککیوز آرشون باغچه یی حاوی یتیش اوچ نومرو لی خانه تمامی ایله بلاطده حاجی عیسی محله سنده درت یول اغزی جاده سنده تخمیناً یوزاون آرشون عرصه اوزرینه مبنی ایکی قاتدن عبارت ایکی اوطه وشهری درت لیرا ایجار کتوریر کارگیر یتیش نومرو لی شربتخانه تمامی تاریخ اعلاندن اعتباراً اون بش کون صکره بالمزاید فروخته تشبث اولنه جنی در سعادت اعلامات نظامیه اجرا دایره سندن اعلان اولنور .

ایکنجی بارت محکمه سنده :

استانبولده محمد پاشا جوارنده ۶ نومرو لی مغازه ده مقيم کوملک وچوراب تجارتیه مشغول میساق وهرانت خاچریانک ۹ حزیران سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمتنده اعضا ملازمی یا قوافدینک ژور قومیسر ودعوی وکیللرندن دیران وآرتین قیصر لیان افندیلرک موقت سندیک تعیینلرینه ومغازه سیله اشیا ی زائده بیتیه سنک تمهیرینه واوراق ودفاترینک جلبنه وكفالت مصدقه ارانه ایده مدیکی تقدیرده حبس وتوقیفنه وبوبابده کی قرارک موقتاً اجراسنه ایکنجی تجارت محکمه سنجیه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولمق اوزره اشبو ۳۲۳ سنه سی حزیراننک یکریمی التنجی صالی کونی ساعت یدی راده لرنده اصحاب مطلوبک محکمه مذکورده نک مصالح افلاسیه رؤیتیه مخصوص اوطه سنه کللری اعلان اولنور .